

und wyse, dy er ym abgekauft hat, wydder zcu willigen phande lasen leyen und vorschreiben, ab er ym nicht ausrichtunge tet, als geschriben stet, daz er sich dez geschriben geldis vor aller meiniclich an alle wyderrede daran irholen sal. Auch ist bereth, ab Niclus inwennig der czeit der bezalung abging von todis wegen und von dem selbigen geld seyner selen czu troste eyn selgereth machen wolde addir daz sust geben wolle zcu kirchen, wegen addir stegen, wo in Got hin vormante, als mit funff schock gr dez selbigen geldis, dorein sold im Jorg, seyn vetter, in keynerley weysse halden, hindren nach weddren mit worten noch mit werken, sundern daz czu staten und furgang lasen gewynnen. Daz selb Jorg vor jobord und vor unsz gereth und gelobt had, dem selben gancz nachzucukomen an arg und an geverde und es so zcu halden, als geschriben stet. Auch so hat Nickel gesagit, daz der genante Jorge sein nester erbnem sey, ab er von todis wegin abging, ee dy bezalunge gesche, so sal er sulch geld nach ausgebunge der funff schock dez selgerethes under ym inne halden und sich domete neren an alle wyderrede.

a) alles durchgestrichen

864.

1438 --

Die Stadt verpachtet die Ziegelei.

fol. 160v Wiszet daz wir Hencz Schuweman, czigelstrichere von Nuwemburg, unser czigelschuwen hyngelaszin haben czu synen lebetagin alzo, daz er eyn iczlichin mitburger eynthusent czigel, muerczigel adder rynczigel vor 24 groschzin gebin sal und sal dy erbeit redelichen fertigin. Mag er den czigel fremden luten tuwer ggebin, wenne seyn unsere burger nicht dorffin, daz mag er thun. Dy czigelschune und^{a)} offin sal man om buwen, dy erde fertigin. Auch hat man om vorheyszsin, er sulle schosz fryhe siczczin, es wer denne, daz er sich beerbitte und wolle bruwin und melczen, so sal er thun alz eyn nander (!) bedirman. Uff ostern sal er anczihen. Actum anno domini MCCCCXXXVIII^o bey dem burgermeister Johanni Lasan und synen rathskumpan.

a) über die Zeile geschrieben

865.

1438 Dezember 6

Gerichtsentscheid über die Buße für einen Todschlag.

fol. 160v Anno domini MCCCCXXXVIII^o in die sancti Nicolai ist beteydingit czwischen Nickeln Fros von Gyer und Hansz von Kya und alle ire helffer